

## 有關傷殘津貼檢討意見書 - 林珍女士

我個姨甥仔有輕度智障同小胖威利症，雖然可以作簡單溝通，但日常生活都要我跟出跟入，因為佢嘅飲食同感知肌能方面係無法控制，而且呢啲症狀係跟佢一世，冇得根治，所以我唔明白點解佢嘅傷津資格要每隔兩年續期一次？加上我年紀都唔細，自己身體情況都唔好，每次都要浪費精力同時間帶佢去精神科排期覆診，同埋唔應該單靠醫生嘅主觀判斷佢有冇得攞傷殘津貼。

傷殘津貼能幫助我嘅姨甥仔有更多機會融入社區，而家我都經常帶佢參加不同團體舉辦嘅活動，認識好多新朋友，佢嘅溝通能力亦都有改善，因此我建議政府將智障獲批核為永久傷殘津貼，讓智障人士獲得更有尊嚴嘅生活。